


Director di RBC Bank Pierre Rafini orguyoso di sponsor un biaha mas expo "Lens di mi wowo"



ORANJESTAD (AAN) — Pierre Rafini, director di RBC Bank, cu ta e sponsor principal di e exposicion di "Lens di mi wowo", a hiba palabra den e conferencia di prensa tocante e evento aki.

Rafini a expresa cu RBC Bank tin 12 aña ta sponsor e exposicion di potret aki, y desde inicio e semper ta sinta den e conferencia di prensa y ta sinti hopi orguyoso cu RBC ta patrocina e proyecto bunita aki.

Rafini a señala cu ta hopi importante pa celebra Dia di Prensa, pasobra prensa ta hunga un rol sumamente importante, den e bida diario di tur hende.

El a subraya cu prensa local, internacional, skirbi, nara, con cu kier pone sin prensa nos comunidad lo no tabata sa ni mitad di loke ta sosode rond di nos. Sr. Rafini a reitera cu RBC ta hopi orguyoso di sponsor e exposicion aki, y asina aki contribui cu e trabao incansable cu prensa di Aruba ta haci pa pueblo, diariamente.

El a menciona Seever

Krozendijk como un di e reporteronan grafico deportivo, cu lo wordo reconoci cu e Premio Djispi Franken, di "Lens di mi wowo 2019".

Anthony Carlo, cu no tabata presente tambe lo wordo reconoci, y e ta un persona cu semper ta duna su aporte den e deporte di futbol.

Ademas Bryan Koolman, cu ta wordo reconoci como un hoben cu ta progresa den su trabao.

Finalmente sr. Pierre Rafini, director di RBC Bank, a gradici tur miembro di prensa cu tabata presente den e conferencia di prensa aki, y a yama pabien na prensa en general pa "Dia di Prensa" y tambe na Leo Vrolijk pa su 12 aña cu e exposicion bunita aki.

Finalmente, sr. Rafini a desea prensa pa sigui haci su bon trabao, cu no ta facil y no ta wordo semper reconoci, pero tin biaha hasta critica y menosprecia. No obstante, e si ta gradici cu danki na e trabao di prensa nos tin un comunidad educa y bon informa.